



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvvm Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

De dispensatione de non promouendo.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

fuert, vel casu eos amiserit, & ex parte, cum sequent eodem, secus si ipse se ipsum castraverit: quod rarum est: quia sui homicida fit, tunc prohibetur promoveri, cap. si quis absciderit, & cap. qui partem, & per totum. 55. d. 1. m. 1. & qui promovetur prohibetur, in consequens & beneficia obtinere: quia beneficium datur propter officium, quod ille exequi non potest. cap. fin. de rescriptis. in 6.

Cautela nota pro impetrantibus beneficiis, vel alia.

17 Aduertendum tamen est circa Rom. curia praxim, ut si quis existimet se inhabilem, vel collationem nullam, hoc non debet ita manifeste dicere in signatura, sed debet dicere, cum dilectus filius Titius dubitet, &c. & cum dubitet collationem viribus non subsistere, &c.

18 Alioqui si statim fateretur se inhabilem, aut collationem nullam, posset illa confessio plurimum sibi detrimento afferre: quia confessio nocet confitenti. cap. 1. & per totum, de confessis. libr. 6. ubi est bona gloss.

Papa an super homicidio dispenset, & super quo, & quando.

19 Super homicidio vero voluntario Papa non dispensat, maxime quo ad altaris ministerium, etiam in regulari: nisi in loco in quo erit occultum homicidium, sed non in loco, in quo est commissum propter scandalum: sed alibi celebrabit ad congruam sui sustentationem: ut doct. not. in ca. & ad audientiam de homicid. & in foro conscientiae facile dispensatur, imposita tamen graui poenitentia: & quando ipse homicida vellet religionem ingredi: ut statuit Alex. 6. in tit. de dispensa.

20 Si vero agatur de homicidio casuali, Papa facilius dispensat quam super voluntario, maxime si homicida dabat operam rei licitae. c. dilectus, & seq. de homic. & e. Ioannes, cum aliis multis ibid.

21 In homicidio vero necessario, si quis vim repellendo occiderit, & se defendendo: & tunc datur dispensatio facile, & cum absolutione in foro conscientiae, ad cautelam, clem. vna, ubi doct. de homicid. & si factum fuerit ex inuitabili necessitate, datur per viam declarationis, secus si vitari homici-

dium poterat fugiendo glo. & doct. in c. suscepimus de homicid.

22 Sed si homicidium quis commiserit alium defendendo, etiam extraneum, cum teneretur proximum suum iuare, ut fecit Moyses contra Aegyptium, datur dispensatio ad cautelam, dummodo oppressus mortis periculum euadere alias non valeret, & tunc etiam ad altaris ministerium, & ad beneficia, ut ea retineat, sed difficilius dispensatur, quando oppressus potuisset mortis periculum euadere: alia videntur facilia, ideo ea nunc omitam.

De dispensatione de non promovendo.

ALio nobis modo conseruatur beneficium, videlicet per dispensationem de non promovendo, quia parochialem habens ecclesiam intra annum promoveri tenetur ad sacerdotium. c. licet canon. de elect. lib. 6. alioqui lapsa anno perdit illud ipso iure, nisi sibi prouideat per hanc dispensationem, quae interdum fauore studii conceditur: unde episcopus gratia studiorum ad septennium dispensat. c. cum ex eo, de elect. in 6. quia studium est labor spiritualis. c. exiui de paradiso. §. licet, de verbor. significat. siquidem studemus ut melius ecclesiae deseruiamus. Bald. in l. qui sub praetextu. C. de sacrosanct. eccles.

2 Est tamen differentia inter huiusmodi Papae & episcopi dispensationem: quia Papa latius dispensat, videlicet ne teneatur interim aliquem ex sacris ordinibus promoveri, sed episcopus non alias, quam si scholasticus intra annum promotus fuerit saltem ad subdiaconatum, ne demum ei liceat retrocedere. d. c. cum ex eo, & c. commissi, de elect. in 6. scripsi plenius in scholastic. priuileg. 36.

3 Solet etiam ex aliis causis dispensatio concedi, velut superius dictum fuit in principio huius materiae: verum ut haec materia facilius intelligatur, huius dispensationis formam ob oculos subiicio.

Formula

Formula dispensationis Papa
de non promouendo.

Ilius, &c. dilecto filio N. parochialis ecclesie sancti Andree curato Parisiensis diocesis salutem: Laudabilia, &c. hinc est, quod nos tuis supplicationibus inclinati, tecum (qui vt asseris) in iure canonico scholaris, & in minoribus ordinibus dumtaxat constitutus existis, vt ratione parochialis ecclesie N. Paris. diocesis quam canonicè & pacificè asseris te obrinere, quiq; infra annum à tempore assecutionis eiusdem fore dignosceris, vsque ad biennium à fine anni à iure tibi præfixi computandum, ne ad aliquem ex sacris etiam subdiaconatus, diaconatus, vel presbyteratus ordinibus huiusmodi te facere promoneri minimè tenearis, neque ad id à quodam inuitus valeas cogi. Lateranen. & Lugdun. conciliis, & quibuscunq; aliis constitutionibus, priuilegiis, consuetudinibus, fundatione, vel aliis Apostolicis contrariis nequaquam obstant. autoritate Apostolica de speciali gratia indulgemus, prouiso quòd Ecclesia debitis interim nõ fraudetur obsequiis: & animarum cura in ea non negligatur, &c. Datum Roma, &c.

His præmissis facilius nobis erit, & certius decidere quædam dubia, quæ ex hac dispensatione vidi plerumque suboriri primum an si hic dispensatus obrinuerit aliam ecclesiam post

dispensationem, teneatur quoque dispensatus quò ad eum, ne teneatur promoueri intra annum adeptæ possessionis & commissionis regiminis, quod prima fronte videbatur.

6 Contrarium tamen est dicendum quandoquidem hic Papa concedit, vt ratione parochialis ecclesie sancti Andree non tenearis promoueri: ex quo liquet mentem Pontificis non vterius extendendam esse: quamobrem ex intentione deficit dispensatio. *c. mandatum. ibi, non fuit intentio mandatoris, de rescr.*

7 Ob id ad vitandum dubium, addere debes in signatura, Quòd nullo modo teneatur promoueri ratione huius ecclesie, nec ex alia quacunque causa etiam si aliam adipisceretur, & tunc noua opus non erit dispensatione: & hoc solemne apponere, aut cuiuscunque alterius beneficii ecclesiastici curati, vel aliàs sacros ordines requirentis per te pro tempore obtenti, &c. *vt in forma breuis inferius videre licebit.*

8 Secundum se offert dubium, de eo qui ecclesiam possidebat non canonicè tempore dispensationis, sed postea quidem eam canonicè obtinuit an hodie videatur dispensatus: & videri dispensatum crederem, sed per illam clausulam non datur titulus ad illam ecclesiam: sed tantum narratur factum partis ibi, quam canonicè & pacificè asseris te obtinere.

9 Et quando dispensatur cum isto non habente canonicum titulum, non est necessaria noua traditio, seu adeptio possessionis beneficii, sed primam sufficit continuare. *per §. interdum, de verum diuis. in inst. Cardin. in c. vlt. §. 6. distinct. not. vlt. Boer. decis. Burdet. q. 219.*

10 Tertio, ibi, Quique intra annum à tempore assecutionis eiusdem fore dignosceris. Etiam vidi dubitari, an hoc sit in hac dispensatione exprimendum: Respondeo exprimendum esse: quia nisi esset intra annum, iamque priuatus esset eo beneficio. *per c. licet canon. & c. commissæ, de elect. in 6.* ob id esset beneficium tanquam vacans de nouo conferendum, quamobrem,

Clausula in dispensatione de non promouendo ponenda.

Dispensatio prodest ad beneficium quòd postea in se obtinuit.

Dispensatio de non promouendo intra annum ponenda est.

Dispensatio de non promouendo ratione vnius ecclesie, non tenetur dispensatio nisi alia adducatur.

non